



**29 de xaneiro de 2013.** Alén de tentar converter a escasa Rede Natura galega (a máis cativa do estado en porcentaxe) nun polígono industrial mediante un [Plano Director](#)

que da barra libre a eucaliptos, caza, eólicos, encoros e canteiras, a prevista ampliación de Feijoo e Hernández, pendente dende 2011, demórase *sine die*

. Casualidade? Semella que non. Nestes dous anos, e nos espazos a incluir na prevista ampliación, autorizáronse todo tipo de actividades agresivas que mesmo chegaron a eliminar fisicamente hábitats coa máxima protección europea: Plantacións de [piñeiros sobre turbeiras](#)

; de

[eucaliptos sobre flora endémica](#)

;

[rozas con maquinaria pesada](#)

sobre dunas;

[canteiras e minas](#)

sobre humedais;

[dragados](#)

;

[grandes encoros](#)

... A estes exemplos de desleixo e feitos consumados engádese agora un novo caso: A tala dun bosque húmido atlántico no concello das Pontes, xusto nunha área proposta para ampliar a Rede Natura (LIC Río Sor).

Alén da tala desta fraga no concello das Pontes, ADEGA puido constatar tamén outras **recentes agresións ao bosque atlántico húmido**

da comarca, como a tala da Fraga de Ambosores (concello de Ouro), substituída por repoboacións con pirófitas e pasteiros, ou xa fóra da comarca, a degradación acelerada da [Devesa do Anllares](#)

(Mazaricos) debido a talas, apertura de pistas e á construcción de 3 minicentrais aprobadas definitivamente por Feijoo en 2012.

